

COMMUNICAZIUN A LAS MEDIAS

Poschiavo, ils 26 da zercladur 2026

L'ovra idraulica pitschna Crodalöc a Miralago producescha per l'emprima giada electricitad

A Miralago ha Repower prendi en funcziun la nova ovra electrica pitschna Crodalöc. Uschia è terminada ina part impurtanta dal project general Miralago. L'ovra electrica nizzegia l'aua da l'aua Crodalöc per producir forza electrica regenerabla e spisgenta en l'avegnir il nov lai da dotaziun ch'è per il mument anc en construcziun. Suenter la terminaziun dal project general vegn il flum da la val, il Poschiavino, puspè ad esser accessibel per ils peschs.

A Miralago a la fin meridiunala dal Lago di Poschiavo realisescha la Repower fin la fin da l'onn 2028 in project da sanaziun extendì. La tschiffada d'aua per l'ovra electrica Campocologno vegn renovada e modernisada. Il medem mument vegn la quantitat d'aua restanta en il Poschiavino augmentada marcantamain. La finamira è da segirar a lunga vista la gestiun da l'ovra idraulica Campocologno e da garantir il medem mument las pretensiuns da la protecziun da las auas.

L'aua dal Crodalöc cula en in lai da dotaziun

Cun l'avertura da l'ovra electrica pitschna Crodalöc quests dis è ida a fin ina part impurtanta dal project. L'aua vegn tschiffada en l'aua Crodalöc e manada sur ina lingia da pressiun da radund 910 meters a Miralago en la nova centrala da l'ovra electrica. Da là vegn l'aua manada en l'avegnir via ina lingia da radund 255 meters en il lai da dotaziun che vegn per il mument costruì. La lingia vegn probablmain finida l'atun 2026, il lai da dotaziun l'onn 2027. Il lai da dotaziun vegn a procurar ch'i dettia en l'avegnir constantamain avunda aua er en il traject il pli sisum dal Poschiavino, gist sut il Lago di Poschiavo. Quai è decisiv per restabilir l'accessibladad dals peschs en il Poschiavino.

1,2 uras gigawatt ad onn

La prestaziun da l'ovra pitschna munta a 330 kW. Uschia po l'ovra electrica pitschna producir radund 1,2 GWh electricitad regenerabla ad onn. Il project general Miralago n'è anc betg terminà cun l'avertura da Crodalöc. En las proximas etappas vegnan terminadas dasper il lai da dotaziun, la nova tschiffada d'aua en il Lago di Poschiavo per l'ovra electrica Campocologno, la protecziun dals peschs, l'ovra electrica da dotaziun Miralago/Golbia, las mesiras da cumpensaziun tranter Miralago e Piazz sco era la revalitaziun da la zona da riva.

Las lavurs vi da la tschiffada d'aua Miralago han cumenzà l'october 2024. Per la populaziun da Miralago eran ed èn las lavurs da construcziun colliadas cun restricziuns. Repower engrazia a las convischinas ed als convischins sco er a las vischnancas da Poschiavo e da Brusio per la chapientscha e la collavuraziun constructiva.

Contact

Stefan Bisculm

manader post da medias

t +41 81 423 7700

m +41 79 372 7776

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Grono, Küblis, Landquart, Turitg e Milaun. Repower è activa lung l'entira chadaina da valurisaziun da l'electricidad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.